

北京圖書館 編

北京圖書館藏珍本年譜叢刊



第 55 冊

北京圖書館出版社



□ 北京圖書館 編

北京圖書館藏珍本
年譜叢刊

北京圖書館出版社

第 55 冊



第五十五冊目錄

文貞公年譜	一
徐文定公年譜	五三
高陽太傅孫文正公年譜	五九
安我素先生年譜	四五
天童密云禪師年譜	五〇
袁中郎年譜	六三
淄川畢少保公年譜卷上	七〇

文貞公年譜

公繆氏諱昌期字當時一字又元號西谿江
陰人也始祖全一公明洪武初由常熟小山
湖橋遷江邑之東興里六傳至公會祖怡雲
公諱廷玉事親色養備至輯註盤谷序祖東
渠公諱桓以明詩補邑諸生祖母氏桑父惕
庵公諱炷儒隱有篤行母氏夏兩世均以公
貴得贈通議大夫淑人

明

世宗

嘉靖四十一年壬戌七月十六日公生

先是夏太淑人產兩子皆痘殤公誕後產一子又痘殤公故以獨子受憐自提抱以至褓
毳太淑人撫之若掌珠也

嘉靖四十二年癸亥公二歲

嘉靖四十三年甲子公三歲

進退舉止有成人度東渠公顧視欣然

嘉靖四十四年乙丑公四歲

嘉靖四十五年丙寅公五歲

是年公妹生

明穆宗隆慶元年丁卯公六歲

隆慶二年戊辰公七歲

入家塾讀書輒能明句讀

隆慶三年己巳公八歲

從楊庵公讀書計日修短爲立程限

隆慶四年庚午公九歲

從惕庵公讀書

隆慶五年辛未公十歲

惕庵公聘孝廉夏茂卿先生樹芳爲公師

隆慶六年壬申公十一歲

從夏茂卿先生習舉業日則就傳暮歸惕庵
公篝燈親課讀書至先儒身心格要之言必
爲公莊誦之公端肅拜受更闌始寢東方初
曙卽喚公起雖暑夏隆冬課程弗輟

明^{神宗}萬厯元年癸酉公十二歲

仍從茂卿先生讀書

萬厯二年甲戌公十三歲

公文譽日起東渠公乃顧而笑曰吾向者惜學之未竟也今有孫昌期可以竟學矣

萬厯三年乙亥公十四歲

應童子試縣令楚麻城劉鳳嶠公諱宇泰^{辛未}

^{進士}見而賞之高列前茅曰是子幼乃具史筆

萬厯四年丙子公十五歲

應院試不錄是年春公庶弟西園公生冬十一月公祖東渠公卒

萬厯五年丁丑公十六歲

家難起是冬惕庵公與公仲父澄灣公俱繫於訟

萬厯六年戊寅公十七歲

春就童子試縣令詔安胡葵南公諱士鼇

丁丑

進士大激賞拔第一顧問左右此子何家產左

右以公父對胡公曰此其家當不惡何以有
今日累因廉知其冤立上書白主審者蘇州
理赫公諱瀛事得盡臬并根究其造孽者是
年府試復第一院試拔取第四成諸生宗師
爲庶常陝西郭還一公諱莊

戊辰進士

萬曆七年己卯公十八歲

從楊庵公讀書

萬厯八年庚辰公十九歲

從縣令詔安胡公讀書是年惕庵公患血證
萬厯九年辛巳公二十歲

成婚配氏李爲贈太僕寺卿復庵公諱果之
女同難監察御史贈太僕寺卿諡忠毅諱應
昇嫡姑母是年歲考十二名補廩生惕庵公
病痿公謁四方名醫治之卒無效惕庵公手
書命公曰吾年及知命患此沈疴眞陰耗失

豈藥石所能強起惟有息機斷緣差延歲月
耳自今以後闔內事汝母爲政闔外事汝爲
政公再拜受命退而竊嘆曰吾何以治生哉
乃謀授徒爲治生計

萬厯十年壬午公二十一歲

楊庵公命公復從詔安胡公讀書是年錄科
十四名學使者薪水李會川公諱時

辛未秋
進士

試應天胡公激賞其場文以解首相期懸燈

於署待捷弗果

萬曆十一年癸未公二十二歲

授徒里中得館穀以奉甘旨

萬曆十二年甲申公二十三歲

館里中

萬曆十三年乙酉公二十四歲

館里中是年科試二等秋公長子虛白生

萬曆十四年丙戌公二十五歲

館於家四方名士多捫衣受業如眞常王子
淵孟龔子暨公猶子尊素皆當時俊偉之士
悉從學焉計館穀甚豐所得俱奉諸母夏太
淑人以充家需太淑人手操管鑰公外持門
戶是以惕庵公十餘年來臥起一榻絕無煩
惱道經一函方書數帙焚香煮茗羅致花木
以樂晨夕幾不知錮疾之纏綿也是年九月
公次子純白生

萬曆十五年丁亥公二十六歲

館於家

萬曆十六年戊子公二十七歲

科試二等是年秋試應天房薦第一格於主
者弗售房師爲青浦令南昌羅柱宇公諱朝

國癸未
進士

萬曆十七年己丑公二十八歲

春正月公三子貞白生是年應觀風試閱卷

者兩司理雲間理永城李中石先生諱楠

丙戌

進士常州理江西張見庵先生諱鳴岡

庚辰署進士

公卷云近試郡邑青衿獨子爲快士翹楚矣

二公皆有非常之目是年觀風之卷實膾炙

一時爲士林傳誦公文名益起

萬曆十八年庚寅公二十九歲

受無錫顧端文公聘延致家塾

萬曆十九年辛卯公三十歲

錄科第一學使者海澄柯立臺公諱挺

庚辰進士

秋赴試應天不第

萬厯二十年壬辰公三十一歲

館於無錫顧氏是年應觀風試取第一閱卷

者常州理蘄水閔翼虛公諱廷甲

己丑京口進士

理南城張新屏公諱時顯

丙戌進士

萬厯二十一年癸巳公三十二歲

仍館無錫顧氏三月公四子太白生是年夏